

**MAKAILA SA KAMATUORAN, BUG-OS GYONG ALANG SA  
KAMATUORAN, UG MAGMANTALA SA KAMATUORAN  
SA DAOTANG PANAHERON KAHON**

Mensahe 6

**Masayod ug Magpakaylap sa Takdo-sa-panahong Kamatuoran  
sa Kinahabogang Ebanghelyo sa Walay Kataposang Pamatigayon sa Dios  
sumala sa Pagpangalagad sa Panahon**

Basahong Kasulatan: 2 Ped. 1:12; 1 Tim. 1: 3-4; Mat. 16:18; 2 Sam. 7:12-14; Rom. 1:3-4;  
Bug. 21:2, 9-10

- I. Ang pihong pagpahiuli ug buhat nga gibuhat sa Dios sa usa ka panahon mao ang pagpangalagad nianang panahona; gipangalagad sa pagpangalagad sa panahon ang kamatuoran karon ngadto sa katawhan sa Dios; sa 2 Pedro 1:12 mahubad sab nga “takdo-sa-panahong kamatuoran” ang kamatuoran karon:**
- A. Bisag naa sa Biblia ang tanang kamatuoran, apan tungod sa kabuang, pagkadili-matinumanon, pagpasagad, ug pagkamasupakon sa tawo, daghang kamatuoran ang nawala ug natago gikan sa tawo—itandi sa 2 Hari 22: 8.
  - B. Dili bag-ong mga imbento sa Dios kining bag-o pa lang gipadayag nga mga kamatuoran; bag-ong mga diskobre hinuon kini sa tawo; mangutana gyod atubangan sa Dios ang tagsatagsa ka magbubuhat sa Ginoo kon unsa ang kamatuoran karon.
  - C. Nag-anam kadaghan ang mga kamatuoran sa Dios; wala mosukwahi ang ulahing mga kamatuoran sa nag-unang mga kamatuoran; ang makita nato karon mao ang nag-anam kadaghan nga mga pinadayag sa Dios.
  - D. Kaluy-an unta ta sa Dios aron dili ta mahimong mga biniyaan sa “kamatuoran karon”; magmabinantayon unta ta ug dili nato pabuhaton ang unod o hatagan bag higayon ang kaugalingon.
- II. Ang kamatuoran karon, ang kinahabogang punto sa diosnong pinadayag nga gihatag sa Dios kanato pinaagi sa pagpangalagad ning panahona, mao ang pinadayag sa walay kataposang pamatigayon sa Dios; ang ebanghelyo sa walay kataposang pamatigayon sa Dios mao ang “ebanghelyo sa saad nga gisaad Niya sa mga amahan” (Buh. 13:32)—ang saad nga mahimong Anak sa Dios ang kaliwat ni David, sa ato pa, mahimong diosnong Anak ang tawhanong kaliwat (vv. 22-23, 33-34; 26: 6, 16-19; 2 Sam. 7: 12-14; Rom 1: 3-4; Mat. 22: 41-45):**
- A. Dili gyod ta mosangyaw og ebanghelyong gipaubos ngadto sa kahimtang nga gihunahuna nato nga masabtan sa mga tawo; isangyaw gyod nato ang gipahabog nga ebanghelyo ug dili gyod ipaubos ang pangagpas niini (1 Tes. 1:1, 3-4, 10; 5:23; 1 Cor. 2:7-13); tuohan gyod nato nga sulod sa tawo naay linalang-sa-Dios nga kahimoan nga modawat ug makasabot sa mga butang sa Dios (Job 32:8; Zac. 12:1; Eccl. 3:11; Buh. 17:26-29; Isa. 43:7).
  - B. Tagsatagsaon gyod natog padayag ang kamatuoran kalabot sa walay kataposang pamatigayon sa Dios sumala sa tibuok Biblia; kini ang espesyal nga gitahas sa Ginoo kanato—1 Cor. 1:9; 9:16-17, 23; 1 Tim. 1:3-4; 2:7; 4:16; 2 Tim. 1:11; 2:2, 15; Col. 1:28.

**III. *Ang kaliwat ni David nga nahimong Anak sa Dios naghigot sa kahikayan sa pagpaila kang Cristo nga panganayng Anak sa Dios pinaagi sa pagkabanhaw—Rom. 1:3-4:***

- A. Niingon si Pablo nga gigahin siya ngadto sa ebanghelyo sa Dios kalabot sa Anak sa Dios, nagpakita nga ang ebanghelyo sa Dios ebanghelyo sa pagkaanak aron matinuod ang Lawas ni Cristo—vv 1, 3-4; 8: 28-30; 12:5.
- B. Katumanan ang Roma 1:3-4 sa panagna sa tipolohiya sa 2 Samuel 7:12-14, nga nagpadayag sa misteryo sa Dios nga nahimong tawo aron himoong Dios ang tawo sa kinabuhi ug kinaiya apan dili sa ranggo sa pagka-Dios.
- C. Sa pagpakatawo, gisul-ob ni Cristo nga bugtong Anak sa Dios diha sa Iyang pagkadios (Juan 1:18), ang unod, ang kinaiya sa tawo, nga walay labot sa pagkadios; sa Iyang pagka-tawo dili Siya Anak sa Dios.
- D. Sa pagkabanhaw gihimong Dios, gihimong anak, ang Iyang pagka-tawo, nagpasabot nga gipaila Siya nga Anak sa Dios diha sa Iyang pagka-tawo, nahimong panganayng Anak sa Dios ug dunay pagkadios ug pagka-tawo—Rom 8:29.
- E. Busa, diha ni Cristo naumol ang Dios nganha sa tawo, ug naumol ang tawo ngadto sa Dios, ug nasagol pag-usa ang Dios ug ang tawo aron mahimong usa ka persona, ang Dios-tawo.
- F. Ang ebanghelyo sa Dios ug ang tuyo Niya sa Iyang pamatigayon pagtukod man sa Dios nganha sa tawo ug sa tawo ngadto sa Dios; kining pagtukora mao ang Dios nga nahimong tawo (ang kaliwat ni David) aron mahimong Dios ang tawo (ang gipaila nga Anak sa Dios)—Juan 14:23; 15:4-5; Rom. 1:3-4.
- G. Gipamulong ni Ginoong Jesus kining ebanghelyoha sa pag-ingon Niya nga, “Sa pagkatinuod, sa pagkatinuod, moingon Ko ninyo, Kon dili mahulog sa yuta ang lugas sa trigo ug mamatay, magpabilin kining mag-inusara; apan kon mamatay kini, mamunga kinig daghan”—Juan 12:24:
  - 1. Kon mamatay ang binhi sa ilubong kini sa yuta, sa ngadto-ngadto mogitib, motubo, ug mamulak kini sa pagkabanhaw, kay molihok man ang kahimoan sa kinabuhi sa binhi dungan sa pagkamatay niini—1 Cor. 15:36; 1 Ped. 3:18.
  - 2. Nilihok ang pagkadios, ang Espiritu sa pagkabalaan, nga naa ni Cristo sa pagkamatay Niya, ug sa pagkabanhaw “namulak” Siya aron mahimong panganayng Anak sa Dios ug Espiritung tigpaambit-og-kinabuhi, nga nagpaambit sa Iyang diosnong kinabuhi kanato aron himoon tang daghang igsoon Niya—Rom. 8:29; 1 Cor. 15:45.
  - 3. Ang sumbanan mao ang panganayng Anak sa Dios, ug ang hulad mao ang daghang anak sa Dios, ang mga bahin sa sumbanan nga mahimong Lawas Niya, nga mahingpit sa Bag-ong Jerusalem—Col. 1:18; 1 Ped. 1:3.

**IV. *Ang kaliwat ni David nga nahimong Anak sa Dios naghigot sa kahikayan sa pagpaila kanato nga daghang anak sa Dios pinaagi sa pagkabanhaw—Heb. 2:10-11:***

- A. Gipaila na si Cristo nga Anak sa Dios, apan kamulo pa tang gipaila, gihimong anak, gihimong Dios—Rom. 8:28-29.
- B. Gitanom na sa atong espiritu ang kinabuhi sa Anak sa Dios—v. 10:
  - 1. Sama sa binhi nga gipugas sa yuta, moagi gyod ta karon sa kahikayan sa pagkamatay ug pagkabanhaw—Juan 12:24-26.
  - 2. Makapaut-ot kini sa tawo sa gawas, apan makapatubo, makapaugmad, ug sa kinataposan, makapabulak kini sa kinabuhi sa sulod gikan sa atong sulod; kini ang pagkabanhaw—1 Cor. 15:31, 36; 2 Cor. 4:10-12, 16-18.

- C. Sa pagkabanhaw gipaila si Cristo nga Anak sa Dios diha sa Iyang pagka-tawo, ug pinaagi nianang pagkabanhawa kamulo sab tang gipaila nga mga anak sa Dios—Rom. 8:11:
1. Ang kahikayan sa pagpaila, paghimong anak, paghimong Dios kanato mao ang kahikayan sa pagkabanhaw nga dunay upat ka dakong aspeto—pagbalaan, pagtransporma, pagpasama sa dagway, ug paghimaya—6:22; 12:2; 8:29-30.
  2. Ang sekreto sa kahikayan sa pagpaila mao ang pagkabanhaw, nga mao ang nagpuyo-sa-sulod nga Cristo isip nibangon nga Espiritu, ang nagpailang Espiritu, ang gahom sa kinabuhi nga naa sa atong espiritu—Juan 11:25; Rom. 8:10-11; Buh. 2:24; 1 Cor. 15:26; 5:4:
    - a. Dinalian gyod natong gikinahanglan nga makat-on sa paggawi uyon sa espiritu, magpahimulos ug magsinati sa nagpailang Espiritu—Rom. 8:4, 14; Mat. 14:22-23; Mar. 1:35-38; Sal. 62:8; 102 titulo.
    - b. Labi natong matandog ang Espiritu, labi sab tang mabalaan, matransporma, masama sa dagway, ug mahimaya aron mahimong Dios sa kinabuhi ug kinaiya apan dili sa ranggo sa pagka-Dios para matukod ang Lawas ni Cristo nga maghingpit sa Bag-ong Jerusalem—1 Cor. 12:3; Rom. 10:12-13; 8:15-16; Gal.4:6.
- D. Labi tang motubo sa kinabuhi ug moagi sa metabolicong kahikayan sa pagtransporma, labi sab tang ipaila nga mga anak sa Dios—2 Cor. 3:18, 6, 16; 5:4, 9, 14-15; 1:12; 12:7-9:
1. Kining metabolicong kahikayan mao ang pagtukod sa iglesia nga Lawas ni Cristo ug balay sa Dios sa pagkatukod sa Dios nganha sa tawo ug sa tawo ngadto sa Dios—Rom. 12:2; Efe. 1:22-23; 2:20-22.
  2. Gipaila ang pagka-tawo diha sa pagkadios, ug nasakot pag-usa ang pagkadios ug pagka-tawo; karon, kita nga mga kaliwat sa tawo, nagkahimong mga anak sa Dios diha sa pagkadios pinaagi sa kahikayan sa pagtukod sa Dios—Mat. 16:18; Efe. 3:16-19; Bug. 21:2, 9-10.
  3. Ang pamatigayon ug tumong sa Dios segun sa gitinguha sa Iyang kasingkasing pagtukod man sa Iyang Kaugalingon nganha sa tawo ug pagtukod sa tawo ngadto Niya; mahingpit kining pagtukora sa Bag-ong Jerusalem isip dako, hiniusang Dios-tawo, ang kinatibuk-an sa tanang anak sa Dios—v. 7.
  4. Usa ka adlaw niana mahuman kining kahikayana, ug sa eternidad masama ta ni Cristo, nga panganayng Anak sa Dios, sa atong espiritu, kalag, ug lawas—1 Juan 3:2; Rom. 8:19, 23; *Mga Alawiton*, #948, estanza 2.
- E. Sa bahin sa Dios, nagpakatawo ang Tulo-usang Dios aron mahimong tawo; sa atong bahin, gihimo tang Dios, giumolan sa nahikay ug nahingpit nga Tulo-usang Dios aron mahimo tang Dios sa kinabuhi ug kinaiya apan dili sa ranggo sa pagka-Dios aron mahimong hiniusang pagpadayag Niya sa eternidad; kini ang kinahabogang kamatuoran, ug kini ang kinahabogang ebanghelyo.

**V. Maumolan gyod unta ta ug mopakaylap sa kinahabogang kamatuoran sa walay kataposang pamatigayon sa Dios pinaagi sa paggamit sa mga Pagtuon-sa-Kinabuhi ug sa Hubad Pahiuli ug mga nota; alang kini sa pagpangalagad og kinabuhi, pagpagula sa kamatuoran, ug pagbukas sa mga basahon sa Biblia—Job 10:13; itandi sa Efe. 3:9:**

- A. Ang pahiuli sa Ginoo pagpahiuli man sa kahayag sa kamatuoran; ang labing dinaliang panginahanglan sa yuta karon mao ang kamatuoran ning panahona:
1. Ang mga Pagtuon-sa-kinabuhi lakip na ang Hubad Pahiuli ug ang tanang nota maoy labing kusganong yawe nga mobukas sa Biblia kanato; dili kini

- mopuli sa Biblia, kondili mopatugkad sa mga tawo sa Biblia—Buh. 8:26-39.
2. Isipon gyod nato nga basahong-tun-anan alang sa mainampoong pagtuon ang teksto sa Hubad Pahiuli ug ang mga nota ug mga Pagtuon-sa-kinabuhi; kon taphaw ra nato kining basahon, temporaryo ra nga til-og ug pagdasig ang madawat nato; apan mahimo nganing kamatuoran sa nahayagang panumdoman nato ang atong gibasa, mahimo kining makanunayon ug walay kataposang til-og alang nato—Sal. 119:130.
  3. Ang tuyo ug tumong sa mga mensahe sa mga Pagtuon-sa-kinabuhi “pagbukas man sa mina” sa kamatuoran sa Biblia aron makalot nato ang mga bahandi; “Nakamantala na kog daghang butang nga nagkinahanglan gugolan ninyog daghang tuig aron inyong masabtan”—*The Collected Works of Witness Lee, 1984*, vol. 2, “Elders’ Training, Book 3: The Way to Carry Out the Vision,” p. 316.
- B. Mangako gyod ta karon sa pagpakaylap sa nahubad, nabatbat, ug nasabtan na nga diosnong mga kamatuoran alang sa pahiuli sa Ginoo:
1. Nakolekta na sa atong mga sinulat ang hustong pagsabot sa Biblia aron atong matun-an, makat-onan, ug mapakaylap ang diosnong mga kamatuoran; ang Hubad Pahiuli uban sa mga nota mao ang “crystallization” sa pagsabot sa mga balaan sa tanang dapit sa diosnong pinadayag sa niaging duha ka libo ka tuig.
  2. Gihatag sa Ginoo kanato kining bililhong mga kamatuoran aron ipakaylap nato kini dili lang sa mga Cristohanon kondili bisan sa dili mga magtutuo; ang gikinahanglan sa Ginoo karon mao nga mosunod sa usang paagi ang linibo sa Iyang hinigugmang mga balaan nga nahigugma Niya, nagkinabuhi ngadto Niya, ug walay laing nasayran kondili ang pahiuli ra Niya aron magpakaylap sa mao rang mga kamatuoran para himoon silang matinumanon ug mabuot nga mga ulipon nga modalit og kalan-on sa katawhan sa Ginoo sa hustong panahon; matuman na dayon nato ang tahas sa pahiuli Ginoo—2 Cor. 5:14-15; Mat. 24:45.
  3. Nag-agad sa pagpakaylap sa kamatuoran ang pagtubo sa iglesia; ang kamatuoran ray makabuntog ug makabaton sa mga tawo; sukad karon mogugol gyod tang tanan og panahon nga mokat-on sa kamatuoran sa walay kataposang pamatigayon sa Dios ug mangalagad og Cristo sa uban aron mosanay ug mokaylap ang iglesia—Buh. 6:7; 12:24; 19:20.